

拈花清賞
詩景江南

上海覺群詩社甲辰咏夏集



缘
|
起
上海
觉
群
诗
社

拈花存古意，清赏庆端阳。正是江南好，
相逢诗景长。

江南的风情与雅致浇灌出兼容并蓄的海派文化，为我们城市的发展筑基筑魂，也为诗人们提供了源源不断的创作灵感。

江南的春天是“沾衣欲湿杏花雨，吹面不寒杨柳风”，江南的夏天是“槐柳成阴雨洗尘，樱桃乳酪并尝新”，江南的秋天是“山寺月中寻桂子，郡亭枕上看潮头”，江南的冬天是“日暮诗成天又雪，与梅并作十分春”。

红尘有寄，诗心无涯。值此浴兰嘉会，谨以此集专志甲辰端午，愿诗友高朋消夏亦复消忧。

覺社專家



小满

觉醒

堂下榴花盛，林间夏日长。
薰风时惠我，安住得清凉。

夜境

觉醒

散步西廊静，初弦月渐明。
禅林消暑气，幽赏在申城。
灯落金莲色，风回万籁声。
自然休歇处，会得即无生。

咏夏二首

胡中行

其一

今日天晴立夏临，
繁花竞放草深深。
良辰美景能无我？
一碗岩茶独自斟。

其二

初夏街头绿叶浓，
关关飞过白头翁。
形神气韵皆如我，
顿悟尘间万物通。

感夏

褚水敖

方别春时又夏时，相交暖热动吾思。
溼然汗出轻松聚，蓦地衣单喜悦滋。
暴雨倾盆甘旱土，骄阳罩体显英姿。
静观四季凭君烈，火样奇情已入诗。

西江月·甲辰初夏父子戏谈

胡晓军

几度倒寒还暖，几番边雨仍晴。
一身加減惯衣轻，又是推人光景。
二十足三娇子，自言痛别春青。
可知为父亦难平，却道秋冬转冷。

夏日即景

董乃斌

楼间树茂草花香，舞蝶游蜂纷自忙。
广野云蒸兼日炙，平居心静易身凉。
闲来读史思浮白，老去随缘知慕庄。
客过同斟龙井绿，说今忆往送残阳。

诗人节

曹旭

诗人节里学无涯，
网上下单乐似花。
端午嘭嘭铁栅响，
谁知快递急送茶。

夏日大夏园闲步

刘永翔

脱却春衫换短衫，
窥园聊一废书函。
浅红点点漫天绿，
水面莲花岸上杉。

注：华东师大校园原为大夏大学旧址。
荷花、水杉近定为校花、校树。

诗人节

胡晓明

年年端午说灵均，
今日诗人绿发新。
岁月流波真吾在，
朝搴夕揽俱花身。

浣溪沙

吴忱

雨足江南啼晓莺，年年此日动
诗情。苏州河畔草青青。不效
艾符趋世俗，但祈蒲酒话升平。坐
听楼外踏歌声。

端午咏夏二首

徐國圓

其一

粽香满室万家流，屈子沉吟春复秋。
儿女当今齐出力，时人争看赛龙舟。

其二

昼静日长花自闲，浓荫满地竹痕斑。
暮年只是乡愁结，时看檐前月一弯。

咏夏·半马苏河

杨绣丽

半马苏河十八湾，浪清鸟跃碧波潺。
一绸流水翦飞燕，两岸高楼绕绿环。
百态千姿频变幻，生龙活虎勇登攀。
簇新时代展宏韵，工运风云初夏还。

注：苏州河绵延 42 公里，一半在上海市普陀区境内，约为半程马拉松长度，因此被誉为“半马苏河”。

甲辰初夏云间塘南所见

徐锋

连枷脱粒动经旬，坐久惊看白发人。
五月榴花添放旷，一池荷雨倍清新。
晚来更是南风竞，不负相随翠色匀。
袖手秧田听蛙鼓，此中歌乐有天真。

张浦初夏

周秦

渔舟飘过响铃桥，
碧水如油不用篙。
柳絮满天端午近，
小街听卖海棠糕。

咏夏

林在勇

花减繁妆树有型，
稠风养眼色青青。
觉闻五月啼声改，
雏鸟出窠鸣不停。

夏初临·初夏咏事

蔡国强

万缕愁丝，飘飏江畔，慵慵犹舞春腰。
香絮花魂，已随流水沉消。层峦惨绿妖娆。
浑欲说、不再秋凋。怕看高处，伤心过客，
薄命虹桥。 翻思旧日，宝马香车，杯旋蝶
醉，喉啖莺娇。锦帆何处，碧轩夜冷迢迢。
负山尤恨嵯峨。放长歌、月供鸱鸢。奈何跳。
风拂胭脂泪，恣肆潇潇。

咏夏

方笑一

清风争不度荷塘，绕渚鸣蛙鼓吹忙。
溽气同蒸消永日，闲乘月色逐新凉。

蒲扇摇

徐非文

连日高温，溽暑难消。症曰失眠久矣，况此火炉天气，禅亦难逃。蚊语不绝，蛙唱逍遥。叹清风吝嗷，送云几朵、雨几滴，不倾瓢。 无招，但把蒲扇摇。西邻一声儿啼，几欲撕破长宵，惊碎无聊。闲坐灯下，斟酌寂寥。把千年小调，品字中味、句中意，笑清高。

咏夏·病中答胡中行兄

陈思和

春又萧然去，杨花絮絮飞。
残杯茶代酒，余兴苦无诗。
五月多风雨，双眸幻翠微。
夜闻人索句，字字梦中思。

夏晚即目

徐晋如

朱明屡焚如，
负手出西郭。
天际霞拖蓝，
一丸倏将落。
碧泓在目前，
当风放行脚。
草木至蕃茂，
仁至遍寥廓。
休为苦热行，
心清暑可略。
长日晚悠悠，
冷吟良足托。



線上徵稿



【五言绝句】

咏夏

杨勇

不忍春归去，芳菲无处留。
痴心情万种，已上夏枝头。

咏夏

郑宗健

菡绿间榴红，新蝉唱老桐。
繁阴消暑气，林下自来风。

咏夏（古绝）

楼芝英

残红春褪去，须臾石榴红。
蛙鸣清夜里，雨后见天虹。

石榴花

戴英琪

枝头花与果，疑看火烧同。
一抹鲜绯色，能参夏日红。

乡村夏夜

廖金碧

夜静蛙声闹，繁星缀碧空。
衰翁斟浊酒，心事玉壶中。

瀛洲夏晚（中华通韵）

季立军

人静晚风闲，蛙声月下传。
芦蒿轻荡处，更有卧牛眠。

盛夏游园

白金城

春去花随水，
园林草木菁。
荫浓堪蔽日，
无力锁蝉鸣。

端午

马红英

龙舟三五竞，
两岸踏歌长。
诗意汨罗盛，
谁投粽叶香。

【五言律诗】

咏夏

周国华

夏日熏风至，榴花火欲然。
红蕖迎过客，翠竹伴高贤。
悦目烟霞处，怡情山水天。
心存无妄好，自适读诗篇。

咏夏

张玮菁

窗外雨声疾，坛前神水清。
但闻雷电汛，不觉夏蝉鸣。
节气符云景，丹阳保久生。
笔头缘妙静，敕令放光明。

咏夏

郭幽雯

池亭人独坐，风过可乘凉。
园静蝉声闹，花妍荷扇香。
堪叹虽造化，难驻好时光。
抛却烦心事，心闲日自长。

咏夏

黄仁才

清和木苍翠，芍药正嫣红。
推户迷香气，凭栏沐晚风。
茹黄吠人至，布谷预年丰。
赶置家常菜，深情与酒融。

咏夏

王宝鸿

西山光线落，禾影已东斜。
散热凉风进，开帘暑气遮。
田园生彩翠，藤蔓载香瓜。
我抚琴弦乐，乡邻合唱夸。

咏夏

张兴法

微风拂襟袖，晴日郁婆娑。
蔓草惊飞鸟，藤条舞绿萝。
古诗吟咏尽，民谚口传多。
云黑轻雷响，今宵听雨歌。

夏之咏叹

叶文丽

榴花开灼灼，也羡牡丹妖。
倾国杨妃醉，亲民武后销。
人皆怗颜色，世几说幽寥。
思此南山去，相看草木凋。

端午感怀

刘立祥

适逢端午日，击鼓赛龙舟。
汨水源无尽，灵均志不休。
征程何漫漫，求索意悠悠。
激励后来者，风流竞上游。

游玉佛寺

谢国宏

楼台依古寺，庭院抱幽林。
日照莲花净，烟浮梵宇深。
狸奴通佛性，雀鸟息尘心。
闲品禅茶味，静听钟磬音。

乡村初夏

彭培炎

苍帝携春去，炎天渐次侵。
麦秋黄蔽野，槐夏绿遮阴。
圃满迎阳果，山藏过雨禽。
逐贫挥暑汗，稼穡触何深。

夏日晨趣

姜启全

霞明燃满树，露叶散林光。
飞燕千重紫，金鸡一带黄。
风清蝉倚柳，花郁蝶翻墙。
夏日多晨兴，悠悠此味长。

注：飞燕、金鸡：皆花名，夏季绽放。

咏夏

钱海明

孟夏珍鲜果，余思白玉津。
金丸已悬树，琼液正含身。
几夜熏风度，一林佳实新。
丰年今在望，喜悦两山人。

注：白玉：洞庭东山优良枇杷品种，由古老白沙品种改良而得。

注：两山：指苏州东山和西山两大批杷种植基地。

初夏寺中

方祺祎

不避尘嚣外，而离车马喧。
繁阴生绿雾，暮诵寂绀垣。
错落听鱼鼓，飘摇动宝幡。
人间多热恼，到此洗心源。

初夏寺中

张莹莹

倏而新夏至，禅院绿阴生。
竹影风逾静，榴花雨更明。
闲猫高树卧，梵呗远空鸣。
独坐廊檐下，觉来天气清。

咏夏

邵益山

日长人早起，高树鸟先吟。
柳絮因风远，杜鹃经雨深。
重重青岫合，袅袅白云沉。
幽屋微思虑，纤尘不入侵。

咏夏

汤美桃

忽然千马唤，宾客达申城。
雨打窗棂破，排山街道横。
白云飞翠叶，一抹照金钲。
笑看人间乱，有雷留半声。

初夏

苏开元

岁时临仲夏，人事念端阳。
栖树初蝉噪，剪枝乌燕翔。
菖蒲驱瘴毒，角黍祭忠良。
又读离骚曲，余悲欲断肠。

「七言绝句」

初夏微风

褚建君

初夏微风拂槛前，遥听蛙鼓噪无边。
斯人独处黄昏后，亦诵亦吟追少年。

咏夏

李海平

又到鸣蝉声咽绝，似催我忆赏荷时。
池边戏水云衫湿，尽是温存不识悲。

初夏

刘蜀

绿柳薰风拂舜弦，新蝉高叶唱清圆。
缤纷红紫已成土，布谷声中雨顺年。

咏夏

赵义融

炎蒸那得误耘耕，执耒扶锄起五更。
稼穡艰辛蛙不晓，引吭陇亩到天明。

咏夏

郑荣江

绿阴幽草逐风香，映日荷花媚景光。
莫喜青盘珠玉滚，须防雷雨暴洪狂。

咏夏

曾迅傑

碧树如茵深映门，闻蛙浅唱醉黄昏。
频频阵雨摧花落，洗净尘埃入夏魂。

咏夏

王怡宁

绿肥红瘦夏初临，梅杏青青竹影深。
春去风光依旧好，新醪已熟且同斟。

咏夏

刘燕

春去无需多感伤，夏天亦有好时光。
雨来篱外竹枝静，风过门边栀子香。

咏夏

詹毅敏

夏浅荫浓入画屏，榴花灼灼耀瞳明。
凉风动水香莲碧，平仄声中送晚晴。

咏夏

靳舒荀

芍药新开立夏临，庭前次第绿阴深。
垂髫挂蛋自游乐，闲看白云茶一斟。

咏夏

杨长龙

绿阴长日又闻蝉，寒舍闲居自若仙。
窗外红云烧似火，翛然无碍诵诗篇。

咏夏

胡正森

不言淡雅野山茶，无意馨香茉莉花。
若问清凉何处有，静心敲句咏枇杷。

咏夏

何全麟

烈日炎炎农事忙，江淮千里稻花香。
荷塘夜月蛙声密，待到秋来粮满仓。

咏夏

陈剑虹

荷花柳荫约朱明，更有榴红灼灼情。
樱笋杯盘诗酒好，心随曲水句中行。

咏夏

宋忠鑫

报知春色人间去，多少春花犹自开。
晴日清风不消尽，霎时云暗雨连来。

咏夏

齐卫国

槐阴满地夏虫喧，日色连天燕雀烦。
最好池边清净处，荷风轻拂梦牵魂。

咏夏

陆扬

柳枝渐重雀声密，拂晓窗明白昼长。
最是晨曦初露点，小湖风带素花香。

咏夏

王慧敏

百花已谢渐成尘，万树葱葱夏令新。
更有蜻蜓莲上立，引来多少赏荷人。

咏夏

李震清

花开未尽春光老，已有小荷尖露角。
待到蝉声四起时，绿阴水里泛轻棹。

童年夏夜纳凉

王建国

雾薄野畴银汉遥，飞萤点点入清寥。
烟熏卧簟禾场夜，一片蛙声起晚潮。

夏之咏

顾绍南

夏初薄暮过农家，阡陌田畴尽碧纱。
三二故人试茶茗，中宵不寐待听蛙。

立夏

杜劲松

夏木新阴花半老，诸般弗是去来烟。
残花漫道真愁绝，留待尖荷细细圆。

夏日山居

沈惠光

夏入乾坤人入山，翠微满牖鸟关关。
唤来风柳携香到，捉住青衣不让还。

咏夏荷

吴弘

婷婷袅袅池中立，鱼动蛙鸣秀色融。
清丽素颜非俗物，赢余诗画笔生风。

村居

陈琼

夏木葱茏布谷飞，山村野果满园堆。
悠馋稚子撷桑葚，皓齿朱唇变墨灰。

夏声

王昱乐

翠叶繁阴夏日长，清风徐至送微凉。
荷塘蛙噪声声脆，柳岸蝉鸣处处扬。

夏日雨后

张留坡

暮雨渐停蛙鼓动，塘荷出浴布香风。
蜻蜓领舞人何在，坐忘尘机万事空。

刈夏（中华新韵）

胡润榜

水漾清波消烁日，绿云影下卧黄牛。
耕农一稔新收麦，顿解人间千百愁。

立夏楝花

兰惠生

夹道繁花妆楝树，清香淡紫若云烟。
有缘心境多随喜，孟夏新诗在眼前。

夏日雨后

季锦云

夜雨连绵初放晴，枝头花落燕穿行。
村童隔竹追蝴蝶，惊动丛林翠鸟鸣。

夏闲有感

周元安

蝉鸣盛夏林微醉，溪奏瑶琴水咏诗。
更谢芙蓉香阵雨，空明妙有我心知。

初夏

程筱琴

连朝风雨近端阳，布谷声中麦已黄。
最是农家蚕事急，隔篱呼妇采桑忙。

咏夏

徐晓辉

胜日清和好光景，蔷薇满架吐芬芳。
闲来独倚栏杆处，时有微风送暗香。

长夏

林美霞

酷日中天白昼长，草花无水半枯黄。
听经独坐松阴里，心自悠然体自凉。

咏夏

范立峰

红瘦绿肥谁不知，黄梅捧读易安词。
芭蕉雨打窗前叶，入耳声声尽是诗。

吟夏

黄俊民

日出火烧笼屉蒸，雨来雷电水盆倾。
夏蝉身隐参天树，昼夜无休鸣不平。

荷塘边

陆英

团团翠色立新荷，粉靥娇姿对绿萝。
闺蜜揽肩惊喜唤，鱼儿叶下戏清波。

咏夏

刘鹏举

久居城市物芊眠，逐得蛙声野外听。
日落扇摇虫草曲，山泉伴粽数天星。

孟夏黄兴公园即景

周洪伟

月季花廊迎客来，浣纱湖上舫徘徊。
忽闻台上乐声起，舞扇成排遮粉腮。

初夏

宋品娥

久旱逢甘万物新，清溪宛转路无尘。
鸣蛙鼓躁心烦恼，垂柳轻摇翠绿茵。

初夏

王德海

退潮似海桃花谢，枝上浑无一点春。
竞绿绿芽关不住，竹摇清影罩吾身。

案头碗莲

周日忠

小叶田田水面圆，莹莹珠玉绿盘眠。
南窗听雨黄昏后，入眼清新是碗莲。

濂溪书院

胡康定

自有芙蕖花万朵，濂溪千古欲何求？
棹歌江上清风在，云卷云舒任去留。

咏夏

王俊榜

时雨时晴变化多，蛙鸣蝉噪扰南柯。
醒来行至湖堤上，照眼榴花映日荷。

夏初感吟

张培连

暖莺啼落满城花，柳絮匆匆飞那家。
一树榆钱千万贯，可将春色片时赊？

【七言律诗】

咏夏

袁新民

光景流连喜日长，无非庸懒度时忙。
楸枰敲子忘乎倦，蒲扇摇风知是凉。
闲看东来西去雨，勤煎苦里带甜汤。
螽斯更唱悬窗外，犹送浮尘到梦乡。

咏夏

陈波

星沸烧锅火灼霞，溷云澄月问谁赊。
红螺热浪轻舟坐，绿蚁青荷笑面夸。
念雨湘君弹苦瑟，怀风蔡女拍清笳。
古今一册随身带，偷得炎凉半日奢。

咏夏

张志昂

久雨初晴万物催，谢公步履百花开。
余山碧草连台远，沪渎银鸥就地回。
翁媪长街龙跃起，孩童小巷雁行来。
乾坤凤舞群情乐，盛世承平去祸灾。

咏夏

甘美珍

烦蒸仲夏黄梅雨，雾霭迷蒙湿气潮。
晚步郊园三两树，幽寻绿柳万千条。
池荷处处饥蚊扰，林径行行团扇摇。
利觜夫人飞舞去，吻痕密密几时消？

齐鲁农夏

吕霜

麦浪翻云镰舞花，竞耕种夏绩桑麻。
憨驴捂眼忙拉磨，犟马蹬蹄费套枷。
密密青纱飞笑语，清清井水照红霞。
望秋仓满收成好，吹唢升歌庆万家。

孟夏

周澍均

蔷薇绽放缀东篱，湖畔低垂碧柳丝。
栖鸟嚶嚶循律吕，游鱼倏倏动涟漪。
开轩尽揽风潇洒，出户欣承雨润滋。
陈酿甘醇邀夜饮，无妨明日醒来迟。

夏日闲吟

李积慧

绿静红娴望眼时，骄阳吐火不知疲。
慈云喜聚蜻蜓立，茉莉飘香蝴蝶追。
庭院新篁檐外画，池塘疏柳水边帷。
几联韵律常搬弄，错落星光好入诗。

荷塘月色

周阿林

月明池静梦悠长，啼碎莺声夜色凉。
出水芙蓉摇倩影，接天翠盖压波光。
廊桥闲逛熏风盛，石径优游笑语香。
玉兔悄然何处去，嫦娥眷恋醉荷塘。

悼屈原

刘谦淦

天地辉煌日月明，乾坤磊落圣贤生。
灵均有德忠魂澈，正则无尘义骨铮。
浊水徘徊千嶂暗，清流浩荡一夫贞。
悲歌壮曲端阳粽，楚汉三闾华夏情。

仲夏抒怀

薛鲁光

岚翠疏林云淡清，烟轻九陌鸟歌萦。
悬崖眺望天修远，苍柏回眸野旷横。
筇竹前头传雁语，故园侧畔沐枫声。
千帆过后花容瘦，谈笑之间草木嵘。

咏夏

谭秀娥

村头翠竹聚飞鸦，麦浪香波送晚霞。
黄雀迎风拂扬柳，丹鱼映水戏荷花。
三春已过寒流少，九夏初来暖气加。
宵短琴声催入梦，日长邀友品新茶。

夏雨荷塘

陈家博

夏雨滂沱袭荷塘，娉婷翠盖醉琼浆。
参差摇曳清幽影，隐约浮沉淡雅香。
花堕盈盈还带露，水流脉脉自生凉。
绿裙凌乱何言恨，玉面轻施粉泪妆。

初夏

吴津生

绿柳垂阴接小塘，薰风摇滟遣荷香。
蝉鸣落照声流远，蛙吠方池露嫩凉。
半卷残书随伴夜，一窗明月满头霜。
由他岁序交驰逐，印画聊堪系日长。

初夏有吟

张心愉

起驾东君归亦还，方塘万顷碧波间。
荷盘雨溅弹珠泪，水殿风流对素颜。
坐爱云裳花影净，堪怜草渚浪痕娴。
浮生有梦悲欢里，总教心情不一般。

端午节怀念屈公

张益祥

信而谪贬忠而谤，心死怀沙鼎祚伤。
千古楚辞华彩断，一腔热血碧波长。
莲生泥淖身无染，君陷谗堂性更强。
几度彷徨求玉碎，忍看故国变他乡。

端午随写

魏东波

云溪曾洗旧缙袍，惭愧星星两鬓毛。
全盛可能须小辈，中兴许是到吾曹。
通宵长护明珠塔，海外高悬利刃刀。
买断满城香粽子，其间几个读离骚？

谷渎夏临

金花

十里蔷薇映壁垂，穿花照水可吟诗。
分香黄蝶好风后，弄影白鳧新雨时。
春色凋零无计问，莺声啁啾有谁知。
绿浓难辨枝头颤，一曲清歌荡水湄。

初夏随吟

左长彬

韶华春色去匆匆，海上频来温湿风。
桃树果新如翡翠，紫藤花艳秀玲珑。
迎眸依旧景光好，掘笔只因词句穷。
独饮香茶无寂寞，篱边灼灼石榴红。

悼三闾大夫——屈原

唐长发

大夫驾鹤英魂去，诗语离骚告世人。
殉国含悲为楚鬼，无穷太息恤黎民。
江河投黍资其食，舟楫驱鱼护他身。
成败帝王书史鉴，须知谗佞与忠臣。

采艾草

祖印友

蝶舞蛙鸣芳草地，钓丝曲渚喜顽童。
深丛采艾湿衣袖，密叶分枝捉夏虫。
满手香泥涂汗脸，群蜂艳粉带花风。
沉阳催尔应归去，一路飞蓬嬉笑中。

夏日闲吟

龚青

闲来潇洒太湖东，古树浓阴草木葱。
缓步林间欣竹翠，开怀池畔纳荷风。
庭前共醉千秋月，雨后同欢七彩虹。
帆影水光皆入画，山川不负乐无穷。

夏日

张国胜

电扇殷勤扇暑天，无情无绪感长年。
湿潮每恼午时雨，烦闷偏闻竟日蝉。
热溽街闾风隐树，炎蒸楼宇霓生烟。
城居歆羨农家乐，蛙鼓荷香枕月眠。

仲夏之梦

褚钟铭

雨后霓虹七彩悬，蛙声一片唤童年。
骄阳助兴河塘乐，朗月含情故事编。
嬉捉迷藏喧里巷，梦怀憧憬变桑田。
忽醒雀闹纱窗外，照镜分明鹤发前。

栀子花开

江信昌

闻听栀子诚心爱，也觅几盆闲室栽。
蓓蕾春头枝蔓发，琼葩夏日叶间开。
晨光影似瑶台植，月夜香疑寒客来。
老友相邀终去赴，临行数次到窗台。

祭屈原

张立岭

敢于直谏诤名留，正义之声撼帝丘。
壮志难伸千古恨，豪情未展寸心愁。
九歌吟苦燃渔火，天问思深满酒楼。
岸草含悲怀楚子，汨罗江叹恸神州。

感夏

江菊萍

新梳有约点红时，已画如迷波碧池。
月透风吹弦外影，云生雨送意中姿。
葵增果熟情更合，麦助茶香语实宜。
草谷丛丛呈妙色，日留浅浅会心期。

咏夏

王祖明

野麦灌浆秧稻浇，枇杷丹荔涩芭蕉。
紫薇半吐花犹醉，红雨初晴日渐骄。
夜短含情迎端午，窗明著意读灯宵。
柴门品茗闲吟度，入夏求诗不寂寥。

夏

张耀明

入夏何知日脚长，勤劳我不赖眠乡。
经心万事无奇特，过眼三生欠考量。
红石榴花羞蝶绕，绿荷叶粽乐人尝。
桌前只把诗书读，偶看窗斜对夕阳。

夏日郊游因感

杨秀兰

游趁闲心郊野去，晴和天气自开颐。
柳塘掠过燕归日，麦陇收成暑薄时。
流转朱明年不返，飘萧白发运何迟。
莫嗟人在异乡老，处处青山有好诗。

端午竞渡

陈钦耀

端阳鼙鼓震心波，祠社龙船绕寨河。
岸上幡旗扬古韵，水中健将舞金戈。
年年此际怀英烈，世世今朝念汨罗。
竞渡茆江追舵尾，唯求完胜岂言和。

初夏

高晓红

奔驹飞逝谢春芳，早有荷莲浮碧塘。
堤岸榴花添秀色，山崖茉莉散幽香。
曹公止渴酸梅绿，李杜释怀甜杏黄。
葱郁翠微初夏景，舒心望远好风光。

夏日耕读

黄传荣

竹喧归鸟菜园西，蝉噪蓑翁满腿泥。
绿叶黄花瓜上树，白毛红掌鸭鸣溪。
肩挑一担两圆月，萤耀双眸无数霓。
莲卧池塘鸡入笼，举杯吟句慰荆妻。

郊原初夏

金嗣水

呢喃乳燕出檐廊，蛱蝶怜花过短墙。
两岸秧针牵水碧，一川麦浪泛金黄。
白云闲散春光老，紫气新裁日影长。
向晚郊原柳堤步，微风漫送芰荷香。

【词】

凌波曲·苏州重元寺荷花盛开

丁凤萍

巍峨殿前，高香点燃。澄辉照水田田，
望瑶池宝莲。红妆弄弦，清纯粉妍。
洁如良玉瀛仙，恰惠中向禅。

醉太平·初夏小景

马英

熏风带香，萌荷映窗。蔷薇娇嫩扶墙。
任凭轻絮扬。杜鹃唤芳，蜻蜓戏塘。
小亭竹影波光。一静心纳凉。

鹧鸪天·夏语蝉歌沧浪亭

黄建萍

古树新蝉五月天，莺声啼老夏蛸
喧。餐风饮露谁人解，暮雨朝云哪个怜。
蛙鼓唱，锦鱼欢，松风竹韵翠微
烟。沧浪流水无穷碧，尘梦三千一笑间。

鹧鸪天·入梅

王海洋

无雨无阳把伞行，墙阴狸犬贴凉
坪。松松垮垮游云懒，两两三三榴果青。
枝鸟荡，石蘑生，黄梅最是意纷
呈。等闲拦取今时刻，不惧年枯可润声。

踏莎行·午窗消夏

蒋莹珂

绿涨新池，阴交夏木。一晴方觉流光速。
南风入户气如熏，秋千撂影无人蹴。冰麝
添香，花蚊窃玉。金乌犹向云枝曝。虚窗生
白渐成眠，梦倾陶令三杯醪。

唐多令·今日端阳

张宝爱

今日又端阳，万家祭国殇。叹大夫、
美政难张。泽畔行吟渔父问，论清浊，话
沧浪。贞节郁流芳，汨罗幽梦长。望龙
舟、竞渡三江。一代先贤千古颂，忠魂在，
世流芳。

苏幕遮·顾村公园赏荷

冯立新

碧无尘，风带露。滚动珍珠，船到溪
头住。玉貌红颜香满路。翠叶翻波，池畔
消炎暑。 小桥东，人却步。鱼戏青莲，
疏雨花前舞。骚客赏荷潇洒赋。暗系相思，
风雅船娘妒。

行香子·咏夏

邹家桦

风起灵湖，蛙坐浮萍。谐蟋蟀，林鹭和
鸣。长堤影暗，萤火虫明。正星如锦，云如絮，
月如莹。 野塘潋滟，芙蓉摇曳，惹雅人，
又纵痴情。斟词酌句，妙赋天成。愿意常闲，
时常乐，境常宁。

新荷叶·赏荷

张欣欣

藕隐玲珑，花依潋滟虚衿。翠袖迎风，红裳照水青岑。
落盘玉碎，蜻蜓早、幽径横琴。闻歌莲采，鲤鱼欢浴听音。
迟拙讴吟，烦思化虑清心。放旷留连，安宁无意华簪。
任他烟雨，品高洁、荣辱藏深。素心如简，本根天赋于今。

梦扬州

闫艳

径偏幽。向晚时、微雨初收。水滴似银，片片嫣红浅流。
鸟声脆，空林远，蝶翅稀、围蕊闲游。纤纤步，寒烟散，
夏凉天气如秋。人在林间忘忧。唯绿杪柔风，茜袖清眸。
一雨洗天，亦洗流尘心头。暮云远去心飘渺，不觉看，丝
柳红楼。无奈是，婵娟已上，轻下帘钩。

永遇乐·甲辰夏雨（中华新韵）

矫升武

暮鸟投林，渔家归棹，云暗黄浦。风卷白榆，扶摇万里，远岫遮青陆。金蛇走笔，蛟龙行雨，万箭列缺天幕。重霄里，祢衡断喝，擂破九州津鼓。梧桐欹侧，芭蕉声乱，竹外跳珠低舞。烟锁荷池，雾合九陌，嘉澍濯新绿。帝弓天角，檐牙铁马，鹧语蛙声无数。远凝伫，江河明净，青山楚楚。

山花子·咏夏

李传芬

春去香销万朵花。蕙风吹拂遍青纱。菡萏湖中摇曳蕊，映红霞。阡陌连绵金色穗，骄阳映耀瑞光家。驰骋铁牛耕绿野，乐无涯。

【曲】

[北曲仙吕宫·一半儿] 夏夜

赵立礼

草萤绕垄乱镶花，明月临河轻泛葭。
山野鸣声来闹夏。夜喧哗，一半儿虫儿一
半儿蛙。



上海觉群诗社在上海玉佛禅寺倡导下发起成立，是一家以推广诗词文化为使命的社会服务机构。2017年获上海市民政局正式批准成立，以上海市文化和旅游局为业务指导单位。上海觉群诗社是上海诗词学会创作研究教育基地、上海楹联学会学术交流基地。诗社广邀全国各大高校教授及诗词名家组成专家顾问团，并通过讲座、课程、研讨、沙龙、采风、雅集等各种形式，为广大诗友提供陶冶诗情词意、学习鉴赏创作的机会，为传统诗词文化注入全新生命力。

《上海觉群诗社甲辰咏夏集》

编委会

(按汉语拼音为序)

范立峰 方祺祯 胡中行
林美霞 庞仕影 张莹莹



觉群诗社公众号